

KOMORA MAGISTARA FARMACIJE KANTONA SARAJEVO

Grbavička 2B 71 000 Sarajevo

Tel./Fax: +387 33 214 967

Sarajevo, 06. 11. 2014. godine

PRAVILNIK O OBLICIMA, POSTUPCIMA I ROKOVIMA STRUČNOG USAVRŠAVANJA I PROVJERE STRUČNOSTI MAGISTARA FARMACIJE

I – OPĆE ODREDBE

Članak 1.

Pravilnik o oblicima, postupcima i rokovima stručnog usavršavanja i provjere stručnosti magistara farmacije (u daljem tekstu: **Pravilnik**) utvrđuje pravila po kojima su se magistri farmacije obavezni stručno usavršavati.

Članak 2.

Pravilnik regulira oblike, odnosno sadržaj stručnog usavršavanja, postupke i rokove kao i provjeru stručnosti magistara farmacije u skladu sa *Zakonom o zdravstvenoj zaštiti* ("Službene novine Federacije BiH", broj: 46/10).

Članak 3.

Provođenje programa usavršavanja i provjere stručnosti omogućava sticanje uslova za produženje **odobrenja za samostalan rad** (u daljem tekstu: **licenca**) na poslovima i zadacima zdravstvene zaštite.

Članak 4.

Poslovi i zadaci sadržani ovim Pravilnikom izvršavaju se u okviru pravila rada Komore i u saglasnosti sa Komorom.

II – OBLICI STRUČNOG USAVRŠAVANJA

Članak 5.

Prema ovom Pravilniku, magistri farmacije obavezni su stručno se usavršavati radi sticanja uvjeta za produženje licence kako bi se mogla pratiti i primjenjivati, u okviru dobre farmaceutske prakse, dostignuća svjetske farmacije, te postići harmonizaciju farmaceutske struke i prakse u sistemu zdravstvene zaštite.

Članak 6.

Načini usavršavanja magistara farmacije su:

- specijalizacija;
- postdiplomski studij (magisterij);
- doktorat;
- pohađanje seminara i kurseva trajne ili periodične naobrazbe;

- učešće u radu ili organiziranju stručnih i naučnih skupova, kongresa, simpozijuma, tematskih konferencija, okruglih stolova, sastanaka;
- studijski boravci;
- saopćenja u stručnim i naučnim časopisima;
- autorstvo i koautorstvo monografija, priručnika, udžbenika (srednjoškolskih i univerzitetskih), te knjiga iz svih oblasti farmacije.

Članak 7.

Kurseve trajne naobrazbe koje organizira Komora magistara farmacije Kantona Sarajevo, utvrđuje **Komisija za edukaciju, validaciju i bodovanje stručnih predavanja** (u daljem tekstu: **Komisija**).

Odluku o priznavanju kurseva trajne naobrazbe donosi Komisija.

Zahtjev za vrednovanje (bodovanje) kurseva i drugih oblika trajne naobrazbe treba podnijeti najkasnije mjesec dana prije održavanja određene vrste naobrazbe.

Članak 8.

Trajna naobrazba obuhvata kurseve iz oblasti:

1. farmakoterapije;
2. farmakognozije;
3. fitoterapije;
4. farmakoinformatike;
5. farmakoekonomike;
6. farmakovigilance;
7. farmakokinetike;
8. oblikovanja lijekova;
9. ispitivanje kvaliteta i kontrola lijekova;
10. toksikologije;
11. biofarmacije;
12. kliničke farmacije;
13. bromatologije;
14. socijalne farmacije;
15. etike i deontologije;
16. primjena zdravstvene zaštite u farmaceutskoj praksi;
17. primjena stručnih propisa u praksi;
18. uloga farmaceuta u sveukupnom zdravstvenom sistemu, i dr.

Članak 9.

Magistar farmacije se stručno usavršava tako da stekne svake godine, najmanje, 12 bodova.

Smatra se da je magistar farmacije stekao potreban nivo stručnosti, ako u razdoblju od šest (6) godina prikupi najmanje 72 boda, u skladu sa člankom 12. ovog Pravilnika.

Radi kontinuiteta stručnog usavršavanja, magistar farmacije bi trebao svake dvije (kalendarske) godine prikupiti najmanje 40 bodova.

U slučaju spriječenosti magistra farmacije za trajnim usavršavanjem na duži vremenski period (porodiljsko odsustvo, teška bolest, itd.) isti može biti oslobođen sticanja bodova na period do dvije (2) godine. U takvom slučaju, magistar farmacije podnosi zahtjev Komisiji za oslobođenje sticanja potrebnih bodova, odnosno, na pravo na ostvarivanje bodova za naznačeni period. O opravdanosti i udovoljavanju zahtjeva odlučuje Komisija.

Članak 10.

Magistar farmacije može izabrati način stručnog usavršavanja, rukovodeći se vrstama stručnog usavršavanja navedenih u članku 6. ovog Pravilnika.

Radi trajne naobrazbe magistra farmacije, Komora magistara farmacije Kantona Sarajevo obavezna je organizirati najmanje dva kursa trajne naobrazbe u toku jedne (kalendarske) godine.

Izvođenje kurseva Komora magistara farmacije Kantona Sarajevo može vršiti samostalno ili u saradnji sa drugim farmaceutskim komorama u FBiH, Farmaceutskim društvom Federacije BiH, farmaceutskim fakultetima ili nekom farmaceutskom kompanijom.

Članak 11.

Komisija je dužna prije kraja tekuće godine izraditi (ponuditi) prijedloge Plana i programa stručnog usavršavanja za narednu godinu, a Upravni odbor Komore magistara farmacije Kantona Sarajevo dužan je usvojiti Plan i program stručnog usavršavanja za narednu godinu.

Članak 12.

Sistem bodovanja za provjeru stručnosti magistara farmacije određuje se prema načinu usavršavanja, kako slijedi:

1. Sudjelovanja na kongresima, simpozijumima, temtski konferencijama, seminarima;
2. Sudjelovanja na kursovima;
3. Studijski boravci;
4. Stručni sastanci i predavanja;
5. Publikacije;
6. Naučni skupovi;
7. Specijalizacije;
8. Nacionalni programi i projekti iz oblasti zdravstva;
9. Nus pojave lijekova i medicinskih propizvoda.

Članak 13.

Bodovna lista za stručno obrazovanje i usavršavanje magistara farmacije, obuhvatila bi slijedeće parametre:

1. Kursevi i seminari trajnog obrazovanja

Kursevi koje Komora priznaje	Vid učešća	Broj bodova
Kursevi koje organizira Komora	a.) predavač	10
	b.) slušalac	06
Drugi kursevi	a.) predavač	do 05
	b.) slušalac	do 02

2. Drugi oblici stručnog usavršavanja

Oblik stručnog usavršavanja	Vid učešća	Broj bodova
Periodični kursevi koje organizira Komora	a.) predavač	10
	b.) slušalac	06
Drugi kursevi	a.) predavač	do 10

	b.) slušalac	do 02
Stručno – naučni skupovi		
Domaći stručno – naučni skupovi	Organizacioni rad	03
Međunarodni stručno-naučni skupovi	Organizacioni rad	05
Okrugli sto	a.) domaći b.) međunarodni	02 03
Kongresi/simpozijumi	a.) aktivno učešće b.) plenarno c.) ki d.) poster e.) pasivno učešće	20 15 10 10 06
Domaći kongresi/simpozijumi	a.) aktivno učešće b.) plenarno c.) ki d.) poster e.) pasivno učešće	20 15 10 10 06
Međunarodni kongresi/simpozijumi	a.) aktivno učešće b.) plenarno c.) ki d.) poster e.) pasivno učešće	20 15 10 10 06
Domaće tematske konferencije	a.) aktivno učešće b.) pasivno učešće	10 05
Međunarodne tematske konferencije	a.) aktivno učešće b.) pasivno učešće	10 05
Studijski boravci (u trajanju od najmanje 5-7 dana)		
Studijski boravci u zemlji	-	05
Studijski boravci u inozemstvu	-	07
Stručno – naučna saopćenja		
Stručni članak u <i>domaćim</i> indeksiranim časopisima	-	06
Stručni članak u <i>inozemnim</i> indeksiranim časopisima	-	08
Naučni članak u <i>domaćim</i> indeksiranim časopisima	-	10
Naučni članak u <i>inozemnim</i> indeksiranim časopisima	-	15
Članak u <i>domaćim</i> indeksiranim časopisima	-	04
Članak u <i>inozemnim</i> indeksiranim časopisima	-	08
Pisanje knjiga		
Monografije	a.) autor	10
	b.) koautor	08
Priručnik	a.) autor	10-15
	b.) koautor	08-12
Udžbenik	a.) autor	20-30
	b.) koautor	15-20
Knjiga	a.) autor	30-40
	b.) koautor	20-25

Poglavlja u knjizi	-	05-20
Specijalizacija	Specijalistički ispit	25
Naučni stepen		
Magisterij (Master Degree)	Magistar nauka	30
Doktorat (PhD)	Doktor nauka	40
Nus pojave	-	02
Učenje na daljinu (internet) (max. 10 bodova u jednoj godini)	Nastavna jedinica Materijali i test	02

Članak 14.

Organizator kursa ili drugih oblika trajnog usavršavanja magistara farmacije dužan je navesti, osim naziva teme/tema, vrijeme, mjesto, način izvođenja programa, broj učesnika i cijenu učešća u naznačenom vidu naobrazbe.

Članak 15.

Zahtjev za priznavanje kurseva i drugih oblika trajnog usavršavanja, treba pojednijeti (individualno) u roku od mjesec dana od održavanja istog.

Organizator kursa ili drugih oblika trajnog usavršavanja, nakon dobivenog odobrenja, odnosno olduke o priznanju istih, dužan je pripremiti materijal i potvrdu sa naznakom vrednovanja u bodovima oblika trejnog usavršavanja.

Komora sa organizatorom oblika stručnog usavršavanja sklapa ugovor o međusobnim pravima i obavezama na osnovu odluke koju donosi Upravni odbor Komore, a potpisuje ga predsjednik Komore.

III – ROKOVI STRUČNOG USAVRŠAVANJA**Članak 16.**

Stručnim usavršavanjem svake godine magistar farmacije treba da stekne najmanje 12 bodova prema bodovnoj listi za provjeru stručnosti magistara farmacije datoj u Pravilniku o načinu provjere znanja i stručnosti magistara farmacije.

Članak 17.

Magistar farmacije je stekao potreban nivo stručnosti ako u periodu od šest (6) godina prikupi 72 boda, prema bodovnoj listi Pravilnika.

Članak 18.

Magistar farmacije je dužan da, u cilju kontinuiteta obrazovanja, prikupi, za period od dvije (2) godine, najmanje 24 boda prema bodovnoj listi Pravilnika.

Članak 19.

Magistar farmacije ostavlja do 12 bodova prema bodovnoj listi, učešćem na kursovima ili drugim oblicima trajnog usavršavanja tokom jedne (kalendarske) godine.

Učešćem na svim predviđenim oblicima trajne edukacije, ostvaruje se tokom jedne (kalendarske) godine 12 potrebnih bodova.

IV – PRELAZNE I ZAVRŠNE ODREDBE**Članak 20.**

Magistar farmacije koji se stručno usavršava je dužan podnijeti izvještaj Komori o stručnom usavršavanju u protekloj godini radi produžavanja licence.

Članak 21.

Magistar farmacije dužan je podnijeti Komori godišnji izvještaj o broju prikupljenih bodova za tekuću godinu do 31. decembra tekuće godine.

Nakon analize dobivenih podataka, ukoliko se ne ostvari minimum bodova, slijedi upozorenje koje za sobom povlači provjeru znanja na način utvrđen od strane Komisije.

Članak 22.

Nakon završenih kurseva trajnog usavršavanja, dobivat će se certifikati kao potvrda kvaliteta za trajnu edukaciju maigstara farmacije koji će imati numeriran stepen edukacije po navedenim temema, za svaku godinu.

Kao specifičnost plana i programa trajne edukacije magistara farmacije, Certifikat će na sebi imati odgovarajući logo prepoznatljivog kvaliteta, koji će se nakando dizajnirati.

Članak 23.

Ovaj Pravilnik stupa na snagu na dan usvajanja.

Sarajevo, 2015. godine.

Predsjednik Komisije

v.d. Predsjednik Upravnog odbora

Dr.sc.Miroslav Šober, mr.ph.spec.

dr.sc. Dženita Softić,prim.mr.ph.spec.



Dostavljeno:

1. Naslovu;
2. a/a.